

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

«Пожӧгдінса» республика тӧдчанлуна канму вӧр-ва заказник артмӧдӧм йылысь

Коми Республикаса Веськӧдлан котыр шуис:

1. Артмӧдны «Пожӧгдінса» республика тӧдчанлуна канму вӧр-ва заказник да вынсьӧдны сы йылысь Положениесӧ содтӧд серти.
2. Тайӧ шуӧмыс вынсялӧ сійӧс официальнӧя йӧзӧдӧмсянь дас лун кольӧм бӧрын.

Коми Республикаса Веськӧдлан котырӧн
Юрнуӧдысьӧс Медводдза вежысь

Э. Ахмеева

Сыктывкар
2024 вося тӧвшӧр тӧлысь 24 лун
27 №

ВЫНСЬӨДӨМА
Коми Республикаса Веськөдлан котырлөн
2024 во төвшөр төлысь 24 лунся 27 №-а шуомён
(содтөд)

«Пожөгдінса» республика төдчанлуна
канму вөр-ва заказник йылысь
ПОЛОЖЕНИЕ

1. Панас

«Пожөгдінса» республика төдчанлуна канму вөр-ва заказник (водзö – заказник) лоö республика төдчанлуна торйөн ёна видзана вөр-ва мутасөн (водзö – ООПТ) да сылөн эм гидрологическöй (нюрвывса) нырвизь.

ООПТ-лөн тыр ним: «Пожөгдінса» республика төдчанлуна канму вөр-ва заказник.

ООПТ-лөн дженьыд ним: «Пожөгдінса» заказник.

Заказниксö артмөдöма вына кадколаст урчиттөг да заказниклөн мудоръясын меститчысь му участокъяссö вöдитчысьяслысь, кутысьяслысь да кийн кутысьяслысь найöс босьттөг.

Заказник котыртан да сійöс уджөдан юкöнын канмусянь веськөдлөм, заказник видзан да сыөн вöдитчан юкöнын дінмуса канму контроль (дöзьөр) збыльмөдсьö Коми Республикаса Веськөдлан котырөн уполномочитөм Коми Республикаса олөмö пöртысь власьт органөн да (либö) сылөн ведомствоувса канму учреждениеөн, кодлы сетöма лöсялана уджмогъяс (водзö – заказникөн веськөдлысь орган).

2. Заказник артмөдан медшөр могъяс да заказниклөн могъяс

2.1. Заказниксö артмөдöма сы могысь, медым видзны мезоолиготрофнöй нюр системасö, шоча паныдасьлысь быдмөгъяслысь оланінъяссö.

2.2. Заказниклөн шөр могъяс:

видзны экологическöй öтвесьталунсö;

видзны ландшафтнöй да биологическöй унапөлöслунсö, сы лыдын шоча паныдасьлысь быдмөг ценопопуляцияссö – чутось мөсняк турун (*Dactylorhiza maculata*) да посни наридз турун (*Platanthera bifolia*);

видзны муывывса да ва экосистемаяслысь гидрологическöй режимсö;

лöсьöдны вөр-ва комплексъясын естественнöй процессъяс туялөм да экосистемаясын серпас вежсьöм бöрся контроль, атмосфераын газöвöй состав бöрся мониторинг нуөдöм вылö условиеяс.

3. Заказниклөн меститчанін да площадь

3.1. Заказникыс меститчö «Сыктивдін» муниципальнöй районса муниципальнöй юкөнлөн мутасын Сыктивкарсянь рытив-войвывлань 40 километр ылнаын, Пожөг да Пычим юяс костын Эжва юлөн шуйга берегса мөд ойдланінын (Войвыв Двиналөн ковтыс).

Заказниклөн мутасö тырвыйö пырö Сыктывдінса лесничестволөн Придашса участковöй лесничествон 47 – 49 кварталъяс да мыйтакö Сыктывдінса лесничестволөн Придашса участковöй лесничествон 22 – 26, 50 да 77 – 79 кварталъяс.

3.2. Заказник мутаслөн площадьыс лоö 1530 га.

4. Заказниклөн мудорьяс

4.1. Заказниклөн мудорыс мунö Сыктывдінса лесничестволөн Придашса участковöй лесничествон 47 кварталса рытив-войвыв помсянь да мунö 47 кварталса войвыв мудорті, водзö 22 кварталса 14 выделлөн рытиввыв мудорті, 14 выделлөн рытив-войвыв мудорті, 9 выделлөн рытив-лунвыв мудорті, 8 выделлөн рытив-лунвыв да рытив-войвыв мудорьясті, водзö 9 выделлөн мудорті öтувья нырвизьöн войвывлань, 22 кварталса 3 выделлөн рытив-войвыв да асыв-войвыв мудорьясті, водзö 23 кварталса 10 выделлөн войвыв мудорті, 24 кварталса 10 выделлөн асыв-войвыв мудорті, 12 выделлөн рытиввыв, асыв-войвыв да асыввыв мудорьясті, 14 выделлөн асыв-войвыв мудорті, 24 кварталса 18 выделлөн войвыв мудорті, водзö 25 кварталса 7 выделлөн войвыв да асыв-войвыв мудорьясті, 25 кварталса 8 выделлөн рытив-войвыв мудорті, 4 выделлөн войвыв мудорті, водзö 26 кварталса 9 выделлөн асыв-войвыв да асыввыв мудорьясті, 12 выделлөн асыввыв мудорті, 14 выделлөн асыввыв мудоркөд вомöнасянінөдз, водзö 26 кварталса 14, 12, 13, 15, 16 выдельяслөн асыввыв мудорьясті, 19 выделлөн асыввыв да лунвыв мудорьясті, 18, 17, 10 выдельяслөн лунвыв мудорьясті, 25 кварталса 11, 10 выдельяслөн лунвыв мудорьясті, 50 кварталса 2, 3, 5, 6, 7 выдельяслөн асыввыв мудорьясті, 50 кварталса 7 выделлөн асыв-лунвыв мудорті, водзö 79 кварталса 1 выделлөн асыв-лунвыв мудорті, 78 кварталса 1 выделлөн лунвыв мудорті, 77 кварталса 2 выделлөн лунвыв да рытив-лунвыв мудорьясті, 77 кварталса 1 выделлөн асыв-лунвыв да рытиввыв мудорьясті, водзö 47 кварталса лунвыв да рытиввыв мудорьясті петан чутöдз.

4.2. Заказниклысь мудорьяссö петкөдлöма тайö Положение дорö 1 содтöдын* карта-схема вылын да 2 содтöдын* мудорьяслөн карта вылын.

*оз вайöдсьы.

5. Заказниклөн мудорьясын меститчöм

видзан вөр-ва комплексъяс да налөн компонентъяс

Тектоническöй боксянь проектируйтан заказникыс меститчöма Асыввыв-Европаса платформа вылын, мыйлөн подулыс артмöма Роч плиталөн Архейско-Карельскöй складчатöй комплексъс, сылөн вылысыс – мезозойскöй тэчас ярусувлөн петанінъяса да дзебöм сводьяса синеклизаысь. Четвертичнöй периодся пуктöгьяс – флювиогляциальнöй (гализ да лыаяс). Заказниклөн мудорьясын видзöны шөр пармаса мореннöй тшöтшкөсінъясса юяс костын абү ёна косьмöминъяса шөр юкөнъяслысь ландшафтъяссö.

Проектируйтан заказниклөн мутасын меститчöма мезоолиготрофнöй нюр система Мөдлапöв нюр. Сийö артмöма некымын массивысь, кутшöмьясöс торйöдöма вöрса мусярьясөн, дясөн да визувтысь зыбучьясөн. Трундалөн шöр кызтаыс – 1,4 м, медыджыдыс – 3,4 м. Трунда куйлöдыс вылыс, сора, вуджан да увтасін сикаса.

Нюр системаын ыджыд площадь босьтöны вылыс массивьяс да олиготрофнöй сикаса участокьяс. Налы лöсялö ичöт мылькья веркöс, йыв, кутшöм оз пыр ясыда тыдав да вешйöма бокланьяс, а сідзжö ньывкöс да ваджык либö косджык пöкат. Йылыс вутшка, гырысь вутшка веркöса да öтсыма быдмөгьяса му веркöса. Тані быдмö пожöма-куста-нитшка да пожöма-куста-мырпома-нитшка öткотырьяс. Нюр шöрын пуясыс öтиа-öтиаöсь либö абуöсь, тшöкыда микрорельефлөн джуджыдиньясын быдмöны öтиа-öтиа пожöмьяс. Налөн джудждаыс вежласьö 0,3-сянь 5 м-öдз, шöркодья лоö 2 – 3 м. Вутшьяслөн туруна-куста ярусын уна типичнöй нюрвывса кустьяс: нюрвывса момга турун (*Chamaedaphne calyculata*), керч (*Ledum palustre*), кузьмöс корья подбел (*Andromeda polifolia*), чöдлач (*Vaccinium uliginosum*) да приземистöй мырпом (*Rubus chamaemorus*). Сідзжö эмöсь гöгрöс корья лысватурун (*Drosera rotundifolia*), нюрвыв турипув (*Oxycoccus palustris*), кузьмöс турипув (*O. microcarpus*), а сідзжö туруньяс этша дзоридза эжöр (*Carex pauciflora*), влагалищнöй гöнаюр (*Eriophorum vaginatum*). Му веркöсын ёнджыкасö паськалöм *Sphagnum fuscum* кындзи, сорөн быдмöны и *S. divinum*, *S. angustifolium*, *S. russowii*, *Polytrichum strictum* да *Pleurozium schreberi*. Вутшьяскостса ляпкыджыкиньясын туруна-куста яруса содоминантьясөн лоöны нюрвывса момга турун (*Chamaedaphne calyculata*), кузьмöс корья подбел (*Andromeda polifolia*) да влагалищнöй гöнаюр (*Eriophorum vaginatum*). Ёнджыка кутö быдмыны нюрвыв турипув (*Oxycoccus palustris*) да мукöдлаын этша дзоридза эжöр (*Carex pauciflora*). Нитшка веркöсыс мозаика сяма да артмöма уна сикас нитшкысь: *Sphagnum divinum*, *S. angustifolium*, *S. russowii*.

Пöкатлөн микрорельефыс вутшка-йөнöда, нюр йывсянь ылыстчигөн кутö тыдавын омöльджыка да вочасөн лоö вутшкаөн, вутшка-зыбучөн либö зыбучөн. Быдмөгьяса му веркöсыс комплекснöй. Микрорельефлөн джуджыдиньясын медьёна быдмöны сийö жö öткотырьясыс, кутшöмьяс лöсялöны нюр шöрлы: (пожöма)-куста-нитшка да (пожöма)-куста-мырпома-нитшка. Уна доминанта туруна-куста яруслы подулөн тані лоöны нюрвывса кустьяс да приземистöй мырпом (*Rubus chamaemorus*), му веркöсыс артмöма *Sphagnum fuscum*. Микрорельефлөн ляпкыдиньясыс тшöкыда васöдöсь, сэнí эмöсь шейхцерия-нитшка öткотырьяс, гыбадьясын – шейхцерия-нитшка, эжöра-нитшка да гöнаюра-нитшка фитоценозьяс. Пырджык, тайö этша сикаса öткотырьяс, көні гежöд туруна-куста ярусыс. Доминантөн лоö татшöм сикасьясысь öти: нюрвыв шейхцерия (*Scheuchzeria palustris*), влагалищнöй гöнаюр (*Eriophorum vaginatum*), зыбуч эжöр (*Carex limosa*). Быдмö öтиа-öтиа английскöй лысватурун (*Drosera anglica*), гöгрöс корья лысватурун – *D. rotundifolia*,

нюрвыв турипув – *Oxycoccus palustris* и кузьмөс корья подбел – *Andromeda polifolia*. Нитшка веркөсыс өтпомся да сәні быдмө *Sphagnum balticum*, гежөдджыка паныдасьлө *S. jensenii* да *S. lindbergii*.

Нюрын мукөд местаын сідзжө эм олиготрофнөй шейхцерияа-нитшка, эжөра-нитшка, гөнаюра-нитшка да мезотрофнөй керча-нитшка, эжөра-нитшка фитоценозьяс, көні туруна-куста ярусын медуна быдмө нюрвыв шейхцерия (*Scheuchzeria palustris*), зыбуч эжөр (*Carex limosa*), влагалищнөй гөнаюр (*Eriophorum vaginatum*), кадвуж (*Menyanthes trifoliata*), бутыльчатөй эжөр (*Carex rostrata*). Му веркөсыс өтпомся, быдмөны *Sphagnum balticum* либө *S. fallax*, сідзжө сорөн быдмө *Sphagnum angustifolium*, *S. magellanicum*, *S. papillosum* (папиллознөй нюр нитш), *Warnstorfia* рөдлөн сикасьяс.

Нюр дорын да вөр діяс костын векни венөрьясын бура тыдалө пу ярус, көні быдмө сибирса коз (*Picea obovata*) да пашкыр кыз сора (*Betula pubescens*) обыкновеннөй пожом (*Pinus sylvestris*). Пу туганьяслөн топыдлуныс артмө 0,2 – 0,3, джудждаыс – 10 метраөдз. Минеральнөй веществоясөн озырджык евтрофнөй гыбадын пожом кындзи быдмөны пашкыр кыз да сибирса коз. Пуясыс артмөдөны гежөд, ляпкыдик (4 – 6 метра) ярус. Найөс тшөкыда слабөсь, торйөн нин козьясыс. Уна кос пу. Микрорельефыс вутшка, вутшка-гыбада, вутшка-нюкөса. Джуджыдиньяс босьтөны участокьяслөн площадььсь 5-сянь 70%-өдз, сәні эмөсь уна доминантаа куста-нитшка өткотырьяс, көні нюрвывса сикасьяскөд өттшөтш быдмөны и вөрса өткымын сикасьяс: васөд выв турун (*Carex globularis*), пув (*Vaccinium vitis-idaea*), чөд (*V. myrtillus*), гөрд молля турун (*Maianthemum bifolium*) да мукөд. Му веркөсын медуна быдмө *Sphagnum fuscum* либө *Sphagnum magellanicum*, *S. angustifolium* да *S. fuscum* нюр нитшьяслөн группа. Вутш костьяслы, нюкөсьяслы лөсялө мозаика сяма веркөс, көні паныдасьлөны куста-эжөра-нитшка, эжөра-нитшка, гөнаюра-нитшка фитоценозьяс. Нюр дорын төдчана площадььс босьтөны фитоценозьяс, көні туруна-куста ярусын ёнджыкасө быдмө бутыльчатөй эжөр (*Carex rostrata*), шерстистоплоднөй эжөр (*C. Lasiocarpa*). Содоминантьясөн вермөны лоны эрикоида кустьяс (момга турун – *Chamaedaphne calyculata*, керч – *Ledum palustre*, нюрвыв турипув – *Oxycoccus palustris*) да ляк кыз – *Betula nana*. Му веркөсын медуна быдмө *Sphagnum fallax*.

Нюрын аддзөма быдмөгьяслысь 70 гөгөр таксон, нитш ногаясөс пыртөмөн. Кык сикасө – *Dactylorhiza maculata* (чутөсь мөсняк турун) да *Platanthera bifolia* (посни наридз турун), пыртөма Коми Республикаса гөрд небөглөн (2019) 1 содтөдө кызди сикасьяс, кодлөн вөр-ваын популяция лыд бөрся пыр колө видзөдны.

6. Заказник торйөн ёна видзан режим

6.1. Заказниклөн мутасын оз позь вөчны овмөс нуөдан да мукөд удж, мый вөсна вермас торксьяны экосистемалөн дзоньлуныс, сы лыдын:

- 1) капитальнөй стрөитан объектьяс стрөитөм;

2) линейной объектыя строитом, тайо Положениелон 6.2 пункты индом случайя кындзи;

3) абу капитальной стройбаяс да сооружениеяс строитом, заказниклысь уджаломсо могмодом могысь найос строитом кындзи;

4) вөр кералом, санитарно-оздоровительной мероприятияс, пожарысь видзчысьомсо могмодан мероприятияс нуодигон кераломьяс, квартальной прöseкаяс, визирьяс кералом, весалом, туйяс, кутшомьяс эмось, видзом могысь кераломьяс, а сидзжө вочны позяна удж сикасьяскөд йитчом мукөд кералом кындзи;

5) древесина да живица заптом;

6) абу пуа вөр ресурсьяс, вörсa сёян-юан да бурдодан быдмөгьяс заптом да чукөртөм, индом ресурсьяссо да быдмөгьяссо гражданаон асланыс могьясын заптом да чукөртөм кындзи;

7) туясян (корсьысян, геофизической, геологоразведочной) уджьяс, муыввса механизируйтом средствоясон водитчөмкөд да му веркөс да быдмөгьяс тшыкөдөмкөд абу йитчом уджьяс кындзи;

8) мупытшкөсса озырлун, сы лыдын трунда, перйом;

9) муяс бурмөдом;

10) заказниклысь мутас ёгөсьтом да нйитчөдом, производство да потребление шыблasyяc тэчөм да меститом (видзом да гуалом), ортсо лэдзан ва бокө нуөдом;

11) химия препаратьяс да мувердас видзом да наон водитчөм;

12) му веркөс да быдмөгьяс тшыкөдом, вочны позяна удж сикасьяс збыльмөдом кындзи;

13) туйясысь, кутшомьяс эмось, да торйон индом местаясысь бокын механизируйтом транспортлон ветлом да сулалом (заказник видзан мероприятияс, а сидзжө заказниклон мудорьясын меститчысь вөр-ва комплексьяс да налысь компонентьяс видзан да бөр лөсьөдан мероприятияс нуөдомкөд йитчом случайя кындзи), механической транспорт средствояс кындзи, кутшомьяс ветлоны да сулалоны товнас, кор усьома лым сэк, кор оз лэдзны му эжөд, быдмөгьяс да вөр пуктasyяc жугөдомсо;

14) промысловөя кыйсьом да промышленнөя чери кыйом;

15) геологической, ботанической да зоологической коллекцияс чукөртөм, наука-туялан могьясын найос чукөртөм кындзи, заказникон веськөдлысь органкөд согласуйтомон;

16) Россия Федерацияса гөрд небөгө да Коми Республикаса гөрд небөгө пыртөм звер-пөтка объектыя кыйом, быдмөгьяс чукөртөм да тшак вотом, Россия Федерацияса оланпастэчасон урчитом случайя кындзи;

17) туристической да рекреационной удж;

18) турун ытшкөм;

19) видз-му овмөсса пемөсьясөс йирсьөдом;

20) торйон лөсьөдом местаясысь бокын бипурьяс өзтом;

21) аншлагыяс, шлагбаумьяс, стендыяс, суйörсa сюрьяяс, мукөд юөртан пас да индөд, экологической туйяслысь да шойчанінтяслысь

оборудование бырөдөм да тшыкөдөм, пуяс вылын гижөдьяс да пасьяс вөчөм, а сідзжө посьяс, атмосфераын газөвөй состав бөрся мониторинг нуөдөм вылө колана приборьяс да устройствояс бырөдөм да тшыкөдөм.

6.2. Заказниклөн мутасын позьö:

1) нуөдны наука-туялан, экология боксянь төдөмлун сетан удж заказникөн веськөдлысь органкөд сөгласуйтөмөн;

2) оланпастэчасөн урчитөм пöрадокын любительскöя да спортивнöя кыйсьыны;

3) оланпастэчасөн урчитөм пöрадокын любительскöя да спортивнöя чери кыйны;

4) нуөдны вөрьясын пöжарысь да санитарнöй боксянь видчысьөмсö могмөдан мероприятиеяс, вөр йитөдьяс ладмөдан юкөнын оланпастэчасөн урчитөм пöрадокын тайö Положениельсь 6.1 пункта корөмьяссö төд вылө босьтөмөн;

5) стрöитны, уджөдны, вильмөдны линейнöй объектьяс сэк, кор найöс оз позь меститны мөдлаө, а сідзжө сы могысь, медым могмөдны заказник уджөдөмсö, заказникөн веськөдлысь органкөд сөгласуйтөмөн;

6) котыртны вөр овмөс;

7) нуөдны овмөс да мукөд уджлысь мөд сикасьяс, мыйясысь абу өлөдөма вөр-ваөн вөдитчан да гөгөртас видзан юкөнын оланпастэчасөн да тайö Положениеөн, оланпастэчасөн урчитөм пöрадокын.

7. Заказник торйөн ёна видзан режим

7.1. Заказниксö, сы лыдын сылөн мутасын меститчөм вөр-ва комплексьяссö да налысь компонентьяссö, видзöны вөр-ваөн вөдитчан да гөгөртас видзан юкөнын оланпастэчас серти.

7.2. Заказниклөн вөр-ва комплексьяслы да налөн компонентьяслы лектор вöчан грöз артмөм дырйи сылөн мутасын вöчны позьяна удж сикасьяссö дзескөдöны, дугөдлöны либö дугөдöны оланпастэчасөн урчитөм пöрадокын.

7.3. Заказниклысь мутассö места вылын индöны өлөдан да юöртан пасьяс сувтөдөмөн, а сідзжө торйөдöны тематическöй картография материальяс вылын.

7.4. Заказниклөн вөр-ва комплексьяслы либö налөн компонентьяслы вöчөм лекторсö колö вештыны Россия Федерацияса оланпастэчас серти.

7.5. Йöзöс, кодьяс мыжаöсь заказник торйөн ёна видзан урчитөм режим торкөмын, кыскöны кывкутөмö Россия Федерацияса оланпастэчас серти.

7.6. Заказник торйөн ёна видзан урчитөм режимлөн уджалан да сійöс могмөдан мероприятиеяс збыльмөдсьöны Коми Республикаса республиканскöй сьöмкуд сьöм тшöт да оланпастэчасөн абу өлөдөм мукөд öшмөс тшöт весьтö.